



CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE VIGO PARA O DESENVOLVEMENTO DO PROXECTO “RUTA LAXEIRO EN VIGO

(Proxecto aprobado pola Xunta de Goberno Local do Concello de Vigo en data 22/12/2022 e pola Presidencia da Deputación Provincial de Pontevedra en data 28/12/2022 e asinado polas partes en data 29/12/2022).

En Vigo, na data da sinatura electrónica

INTERVEÑEN

Dunha parte, dona María del Carmen Silva Rego, presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, reguladora das bases de réxime local (LRBRL).

Doutra, don Abel Caballero Álvarez, alcalde-presidente do Concello de Vigo, na representación legal que do mesmo lle atribúe o artigo 124.4.a) do mesmo texto legal.

E actuando dona Susana Gallardo Fariña, en calidade de secretaria da administración municipal do Concello de Vigo, e don Carlos Cuadrado Romay, en calidade de secretario xeral da Deputación Provincial de Pontevedra, dando fe do acto que ten lugar.

Recoñécense mutuamente os comparecentes a capacidade e a representación necesaria para a sinatura do presente convenio de colaboración e, a estes efectos,

EXPOÑEN

I. Que a promoción da cultura e equipamentos culturais se atopa entre as competencias atribuídas aos municipios nos artigos 25.2.m e 127 da LRBRL, e aos municipios galegos no artigo 80.2.n da Lei de Galicia 5/1997, de 22 de xullo, de Administración Local de Galicia (LALGA).

Pola súa banda a lexislación vixente en materia de réxime local, concretamente no artigo 31 da LRBRL, encomenda ás Deputacións que dirixan a súa actividade a asegurar a prestación integral e adecuada dos servizos de competencia municipal, recolléndose no seu artigo 36 como competencia propia das deputacións a cooperación no fomento do desenvolvemento económico e social e na planificación no territorio provincial, de conformidade coas competencias das demais Administracións Públicas neste ámbito.

Así mesmo, o artigo 118 da LALGA atribúe ás Deputacións Provinciais rexer e administrar os intereses peculiares da provincia, creando, conservando e mellorando os servizos, cuxo obxecto sexa o fomento dos mesmos e, en especial, organización de concursos e exposicións ou de calquera outra actividade cuxa finalidade sexa o fomento en materia de cultura, educación e deporte.



II. Que o Concello de Vigo amosou o interese en realizar un proxecto de sinalización dos lugares máis emblemáticos da estadía do pintor Laxeiro na cidade de Vigo, co fin de divulgar entre a cidadanía os vínculos que tivo este importante pintor galego coa cidade.

III. Que a Deputación Provincial, nos orzamentos do ano 2022, contempla unha aplicación orzamentaria, no capítulo de transferencias de capital, para convenios co Concello de Vigo.

IV. Que, de acordo coas precedentes consideracións e en desenvolvemento da colaboración entre o Concello de Vigo e a Deputación Provincial que ten como un dos seus obxectivos estratéxicos o apoio ás iniciativas de fomento de actividades culturais, acordan aprobar o presente convenio de colaboración, que asinan os intervinientes, con arranxo ás seguintes

CLÁUSULAS

PRIMEIRA. OBXECTO DO CONVENIO

O obxecto deste convenio é establecer e concretar o réxime de colaboración entre ambas administracións locais para o financiamento do desenvolvemento do proxecto “Ruta Laxeiro en Vigo”.

O proxecto consta de dúas partes:

- Realización e instalación de once placas de bronce conmemorativas.
- Realización dun mapa web.

SEGUNDA. IMPORTE E FINANCIAMENTO

O custo total da actuación obxecto deste convenio ascende a doce mil oitocentos dez euros (12.810,00€), IVE incluído.

A Deputación Provincial financiará unha contía máxima de doce mil oitocentos dez euros (12.810,00€), sendo gastos admisibles os que de xeito indubitado respondan á natureza da actuación conveniada e se realicen ata a data do 30 de abril de 2023. A achega da Deputación Provincial financiarase con cargo á aplicación 22/942.9420.762.14 do orzamento provincial.

A achega comprometida pola Deputación consiste nunha contía fixa máxima, e no caso de que as actuacións realizadas teñan un custo inferior ao inicialmente previsto e sempre que isto non supoña unha execución deficiente da totalidade das actuacións, a contía da subvención reducirase proporcionalmente.

TERCEIRA. EXECUCIÓN DO CONVENIO

A Administración municipal remitira á provincial a xustificación das actuacións recollidas no convenio de colaboración.



A Deputación Provincial poderá inspeccionar as actuacións obxecto do presente convenio cando o teña por conveniente, así como formular as observacións que estime pertinentes, sen prexuízo de que corresponda en exclusiva ao órgano de contratación e ao responsable do contrato a emisión das ordes e instrucións que procedan.

CUARTA. COMPROMISOS DO CONCELLO DE VIGO

O Concello de Vigo comprométese a:

- Asumir individualmente a obriga do desenvolvemento das actuacións realizadas ao abeiro deste convenio.
- Aprobar as correspondentes memorias técnicas, pregos de cláusulas ou documentos análogos que conteñan as condicións dos contratos necesarios para a completa realización das actuacións programadas obxecto do convenio, así como calquera outro extremo que fose necesario para a súa execución.
- Asumir a obriga, de ser necesario, de obter os correspondentes permisos e tramitar ante outros organismos as autorizacións pertinentes que fosen precisas.
- Difundir o evento a facer visible a colaboración da Deputación no seu financiamento.
- Destinar os fondos percibidos ao obxecto concreto para o que foron concedidos.
- Xustificar as actuacións executadas no prazo máximo de tres meses, dende o fin das actuacións, ante a Deputación.
- Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.

Así mesmo, cumprir coas obrigas contidas na Lei 9/2007, do 13 de xuño, de subvencións de Galicia (LSG), e en especial as recollidas no artigo 11 da mesma. Tamén será de aplicación o establecido no seu Regulamento, aprobado polo Decreto 11/2009, do 8 de xaneiro; na Lei 38/2003, do 17 de novembro, xeral de subvencións (LXS), e no seu Regulamento, aprobado polo Real Decreto 887/2006, de 21 de xullo.

- Comunicar á Deputación Provincial de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.

QUINTA. COMPROMISOS DA DEPUTACIÓN PROVINCIAL

A Deputación comprométese a financiar os custos derivados do convenio, ata a cantidade máxima de doce mil oitocentos dez euros (12.810,00€), IVE incluído, de conformidade co sinalado na cláusula segunda, que será librada contra a presentación das correspondentes facturas ou documentos análogos acreditativos do gasto efectuado, así como da restante documentación xustificativa necesaria e logo da súa fiscalización pola Intervención provincial.

A Deputación prestará a colaboración e facilitará canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas, en cumprimento do disposto no artigo 53 Lei



40/2015, de 1 de outubro, de réxime xurídico do sector público (LRXSP), e da Resolución Presidencial núm. 2017008767 de 8 de maio de 2017, tratándose así mesmo dun convenio cuxas achegas económicas non exceden de seiscentos mil euros (600.000,00€).

SEXTA. PUBLICIDADE

A acción obxecto de subvención deberá garantir un alto impacto e visibilidade da colaboración entre a Deputación Provincial e o Concello de Vigo.

Por outra parte, en cumprimento do establecido na resolución de 15 de xuño de 2020, da Intervención Xeral da Administración, do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento e cara a contribuír ós principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da LXS.

SÉTIMA. COMPATIBILIDADE CON OUTRAS SUBVENCIÓNS

Conforme o disposto no artigo 40.1º, letra d) do Decreto 11/2009, de 8 de xaneiro, polo que se aproba o regulamento da LSG, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo total da actuación subvencionada.

OITAVA. XUSTIFICACIÓN DA SUBVENCIÓN

A documentación xustificativa a presentar polo Concello de Vigo, previa á realización do pago final, será a seguinte:

- a) Conta xustificativa dos gastos, na que figurará a relación do custo ou gasto total da finalidade subvencionada, detallando as facturas ou documentos con valor probatorio no ámbito mercantil e administrativo.
- b) Facturas ou documentos análogos con valor probatorio no ámbito mercantil e administrativo dos custos ou gastos polo importe da subvención concedida.
- c) O acordo municipal de aprobación das facturas correspondentes.



d) Declaración responsable de que os gastos que figuran na conta xustificativa se aplicaron á finalidade subvencionada. Así mesmo, indicárase que o resto de xustificantes da conta estarán a disposición da Deputación para o seu exame no caso de que sexa requirida.

e) Memoria explicativa e detallada da realización da finalidade.

f) Declaración das axudas solicitadas ou concedidas para a mesma finalidade procedentes das distintas administracións públicas ou doutros entes públicos ou privados, na que se indicará de ser o caso, a entidade concedente, data e importe total concedido.

g) Declaración responsable de non estar a beneficiaria incurso en ningunha das causas previstas no artigo 10.2 da LSG para ser beneficiaria desta axuda.

h) Xustificación da divulgación do financiamento da actuación por parte da Deputación.

i) Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

NOVENA. COMISIÓN DE SEGUIMIENTO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por dous representantes de cada unha das Administracións asinantes, un dos cales terá carácter técnico.

Corresponderá á Comisión de Seguimento, entre outras funcións:

- A puntual recepción de información sobre todas as actuacións que se produzan na execución do convenio a que este convenio se refire.
- Impulsar e avaliar o cumprimento deste convenio propoñendo as actuacións que se consideren precisas.
- Propoñer a interpretación, no caso de dúbida, do seu contido.
- Se xorden controversias na aplicación do convenio propoñerlles ás partes a súa resolución.
- A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.

A Comisión de Seguimento reunirse cando o estime conveniente o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo. Na reunión constituínte da Comisión de Seguimento designarase ao seu responsable e ao seu secretario que levantará acta das súas reunións.

DÉCIMA. VIXENCIA

O presente convenio producirá os seus efectos desde a data da súa sinatura ata a total execución das actuacións ás que o mesmo se refire, que en todo caso non excederá do 30 de abril de 2023, estendéndose o seu prazo de xustificación, como máximo, ata o 30 de xullo de 2023.



DÉCIMA PRIMEIRA. EXTINCIÓN DO CONVENIO

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

1º O transcurso do prazo máximo de vixencia do convenio.

2º O acordo unánime dos asinantes.

3º O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumplidora un requirimento para que, no prazo que se sinale, cumpra coas obrigas ou compromisos que se consideran incumplidos. Este requirimento será comunicado tamén ao responsable da Comisión de Seguimento. Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos danos e perdas causados.

4º Por decisión xudicial declaratoria da nulidade do convenio.

5º Por calquera outra causa distinta das anteriores prevista no convenio ou noutras leis.

DÉCIMA SEGUNDA. RÉXIME XURÍDICO E XURISDICIÓN

O presente convenio ten natureza administrativa e rexerese pola LXS e o Real decreto 887/2006, de 21 de xuño, polo que se aprobou o seu regulamento, nos seus preceptos básicos; a LRXSP; a lexislación básica do Estado en materia de réxime local; a LSG; os preceptos non básicos da LXS e do citado RD 887/2006; polas cláusulas que se conteñen neste convenio; polas Bases de Execución dos orzamentos das Administracións asinantes e polas restantes normas de dereito administrativo, e no seu defecto, as normas de dereito privado.

Así mesmo, a falta de entendemento previo pola Comisión de seguimento e control as partes quedan sometidas á xurisdición contencioso-administrativa na resolución de posibles controversias que puideran suscitar o incumprimento ou a interpretación do convenio.

E en proba de canto antecede, as partes que interveñen asinan o presente convenio na data da sinatura electrónica.

O alcalde-presidente do Concello de Vigo, Abel Caballero Álvarez

A secretaria da administración municipal do Concello de Vigo, Susana Gallardo Fariña

A presidenta da Deputación Provincial de Pontevedra, María del Carmen Silva Rego

O secretario xeral da Deputación Provincial de Pontevedra, Carlos Cuadrado Romay